

Ko e hafagi a fē e tupe lagomatai nai?

Hafagi e fatifatiaga tupe laogmatai nai he Aho 16 Sepetema 2020 ke lata ma e maaga ko Okalana mo e hafagi he Aho 5 ia Oketopa 2020 ke lata ma e tau tuuta maaga lalahi ko Waikato, Hawke's Bay-Tairāwhiti, Wellington, Canterbury mo Chatham Islands.

Fakapuke mo e tuku atu fēfē e koe haau a tohi ole?

Maeke ia koe ke fakapuke e tohi ole ma e fatifatiaga tupe Support Fund ki loto he kupega hila nai: <https://conversation.education.govt.nz/conversations/action-plan-for-pacific-education/pacific-education-support-fund/> . Manako a mautolu ke iloa:

- E kakano uho he haau a fakahologa gahua ne kua fakatoka a koe ke taute, mo e heigoa e tau mena mahuiga ne kua kehe mai he falu a tau fakaholoaga ne kua maeke ia lautolu e tau tagata Pasifika ne ha ha ke he tau fakaakoaga mo e ha lautolu a tau magafaoa ke moua.
- Maeke fēfē he fakaholoaga gahua haau ke lagomatai e tau puhala fakaako ne kua lata tonu ma e tau tagata Pasifika ne ha ha ke he tau fakaakoaga mo e ha lautolu a tau magafaoa.
- Toko fiha a lautolu e tau tagata fakaako mo e ha lautolu a tau magafaoa ne kua tonuhia ke moua falu a tau lagomatai mai he haau a fakaholoaga gahua?
- Fiha e tupe lagomatai haau ne kua manako a koe ke moua?

Ko hai ka maeke ke tohi e tau tohi ole ke lata ma e fatifatiaga tupe lagomatai nai?

- Ko e Support Fund kua hafagi he magaaho nai ke lata ma e tau matakau he tau maaga nonofo, tau matakau he tau lotu kehekehe, tau kautaha ne fakahoko e tau fakaholoaga po ke tau matagahua ke fakahagahaga mitaki aki e tau momoui he tau tagata (social sector providers) he tau tuuta maaga ne lima ne kua fakamau hifo ke he potaaga na i luga.
- Atāina ke he tau kautaha ne kua fitā he fai konotuleke mo e Faahi Fakaako mo lautolu ne nakai fai konotuleke mo e Faahi Fakaako ke tuku atu e tau tohi ole.

Ko e lahi fefē e tupe lagomatai haau kua maeke ke moua?

Nakai fai fakakaupaaga e tau tupe ne maeke ia koe ke tohi ole atu ke moua ka e lata ke nakai molea atu ke he fatifatiaga tupe lagomatai ne kua fakatoka pauaki ke lata ma e tau tuuta maaga he tau 2020/21:

Okalana	\$3,500,000
Waikato	\$295,000
Hawke's Bay-Tairāwhiti	\$181,000
Wellington	\$807,000

Canterbury mo e Chatham Islands	\$415,000
---------------------------------	-----------

Loa fefē e magaaho ke fakaaoga e tupe lagomatai nai?

Ko e tau matagahua kua fakatoka pauaki ke kamata fakagahua he tau 2020. Ko e tau tupe lagomatai funding nai ke lata mae tau gahua innovation kua lata ke fakaaoga to hoko e matahiku mahina ha luni 2021.

Ko e heigoa kia ne kua nakai maeke he fatifatiaga tupe nai ke lagomatai?

To nakai maeke e fatifatiaga tupe Support Fund ke fakatupe e tau vahega mena pehē nai:

- Tau fakaholoaga he tau aoga fakamahani, tau aoga mo e tau aoga pulotu ne kua fitā he moua e tau fatifatiaga tupe ke fakaholo aki e tau fakaholoaga ha lautolu (tau fakaholoaga ne fakamahao mo e fakagahuahua he tau aoga fakamahani, tau aoga mo e tau aoga pulotu)
- Ke lata ma e tau fakaholoaga ke moua e tau tupe muka mo e/po ke ha fakaholoaga ke moua aki falu a tau tupe ke lata ma e tau kautaha, tuga e fakaaoga e fatifatiaga tupe ne moua ke lata ma e tau tutuliaga tupe.
- Tau fakaholoaga ne nakai maitua ke he tau hatakiaga fakamole he fatifatiaga tupe nei.
- Tau fakaholoaga mo e tau matagahua ka fakahoko ke he tau motu kehe, po ke ha matagahua mo e tau fakaholoaga ka fakahoko ke he tau motu ne fai maveheaga fakafetui mo Niu Silani ko Niue, Atu Luga mo Tokelau.
- Ke fakatau aki e tau koloa ke lata ma e tau fakaholoaga mo e tau matagahua kehekehe.
- Ke totoji aki e tau pasese ke o atu ke he motu kehe.

Ko e pa a fē e tau tohi ole?

Okalana: Pa he Aho 16 ia Oketopa

Tautuuta maaga ne fā: Pa he Aho 5 ia Novema

Ko e heigoa e puhala ne uta aki e fifiliaga he haaku tohi ole?

Ko e tolu e fakavēaga ke onono fakamakutu ki ai ke fifili aki e tau tohi ole ne kua maitua ke he tau hatakiaga ne kua fakatoka:

- Maitua nakai e tohi ole ke he tau fakatokatokaaga mo e haoaga he Fatifatiaga tupe.
- Ko hai ne kua amanaki ke putoia po ke aofia ke he fakagahuahuaaga he matagahua ne kua fakatoka.
- Ko e heigoa e haoaga he matagahua.

- Fai hokotaki ke fakamooli aki e haoaga he matagahua kua maeke ke lagomatai e tau lekua ne kua tutupu mai po ke malikitiaga hake he tau lekua ha ko e gagao COVID-19.
- Fai fakamooliaga ko e maeke a lautolu ne kua putoia ki loto he tohi ole ke fakagahua e matagahua ne tohia ke he tohi ole.

Ko e ae fē ka moua e tali ke he tohi ole haaku?

To moua atu e tali ke he tohi ole haau he mahina ha Oketopa/Novema 2020. To fai matutakiaga mo koe kaeke kua manako ke moua falu a tau fakamooliaga ke he falu a tau mena ne kua tohia hifo ki loto he haau a tohi ole po ke manako ke iloa e tau kakano ke he tau fakamaamaaga ne kua nakai katoatoa mo e maopoopo.

Fai mena foki nakai au ne kua lata ke taute kaeke kua kautū haaku a tohi ole?

Ē, to ha hā i ai e tau hatakiaga ke lata ma e fakamaopoopoaga tohi hokotaki ka taute e koe ke maeke ia koe fakailoa atu e holoaga he haau a matagahua. Kua lata he tau matagahua ke fakakite e tau hikihihiaga ne kua amanaki ke taute mo e heigoa e tau mena ka moua mai he hikihihiaga ia, mo e to iloa fēfē e koe kua fakamooli tuai e tau hikihihiaga nei.

Ko e heigoa ke taute ka oti e konotuleke?

Ko e fatifatiaga tupe nai kua fakatu ke lata ma e magaaho ku ni, ke lagomatai aki e tau matagahua ne kua lata ia ma e tau fakaakoaga he magaaho tonu nei. Nakai ko e fatifatiaga tupe ke lata ia ma e tau matagahua ke he vaha loa.

To liu ke onono mo e hakahaka e fatifatiaga tupe ke lata ma e maaga ko Okalana he mahina ha Mati 2021, ke kitia kua aoga e fakamoleaga haana mo e iloa foki e tau mena ne kua lata ke taute po ke moua ke he vaha loa.

Iloa fēfē e au ko hai e tau matagahua ne kua katoatoa, maopoopo moe kautū he haau a maaga?

To fakailoa e tau tohi ole ma e tau matagahua ne kua kautū ki loto he kupega hila he Faahi Gahua Fakaako

Maeke nakai ia au ke tuku atu e taha tohi ole ke lata ia ma e falu foki a tau fatifatiaga tupe mai he Faahi Gahua Fakaako kaeke kua kautū e tohi ole haaku he laga e?

Ē, maeke ia koe ke tuku atu e tau tohi ole haau ma e falu a tau fatifatiaga tupe mai he Faahi Gahua Fakaako kaeke ka kautū foki e tohi ole haau ke he fatifatiaga tupe he uta nai. Maeke ia koe ke moua falu a tau fakalaulahiaga ke he falu fatifatiaga tupe nai he kupega hila

www.education.govt.nz.

Fai tohi ole nakai ne kua tohia ke he tau vagahau Pasifika?

Ke lata ma e tau 2020 ko e tau tohi ole moua ni ke he vagahau Pelitania. Ha hā i ai e tau fakalaulahiaga ke he tau kakano uho he fatifatiaga tupe mo e hatakiaga ma e tau tohi ole ke lata ma e tau fatifatiaga tupe kua tohia ai ke he falu a tau vagahau mai he atu Pasifika.

Ko hai haaku ka kumi atu ki ai ke moua e falu fakalaulahiaga?

General inquiries	Pacific.supportfund@education.govt.nz
Auckland region	Kiva Jackson – 09 638 2819 Vaiolupe Talakai - 09 632 9544
Waikato, Hawke's Bay- Tairāwhiti, Wellington and Canterbury and Chatham Islands regions	Allen Lopez 04 463 8000 Allen.lopez@education.govt.nz